

Universidade de Vigo -
Registro Xeral

Saída Nº. 201600007589
09/05/16 12:33:29

Resolución reitoral de 9 de maio de 2016 pola que se convocan 105 bolsas de mobilidade para o estudantado de doutoramento da Universidade de Vigo en programas adaptados ao espazo europeo de educación superior (EEES) para o ano 2016

Coa finalidade de contribuír a paliar os gastos de desprazamento asociados aos estudos de doutoramento que ten o estudantado dos programas de doutoramento adaptados ao espazo europeo de educación superior (EEES) da Universidade de Vigo e, en virtude das facultades outorgadas pola Lei orgánica 6/2001, do 21 de decembro, modificada pola Lei 4/2007, do 12 de abril de Universidades e o artigo 58 do Decreto 7/2010, do 14 de xaneiro, polo que se aproban os Estatutos desta Universidade.

Esta Reitoría RESOLVE:

1. Anunciar a convocatoria de 105 bolsas de desprazamento para estudantes de doutoramento da Universidade de Vigo.
2. Ordenar a publicación da devandita convocatoria nos taboleiros de anuncios na Escola Internacional de Doutoramento, no rexistro xeral e auxiliares e na páxina web da Universidade de Vigo.
3. As bolsas solicitaranse no modelo oficial **ata o 31 de maio de 2016**.

A solicitude axustarase ao modelo que figura como anexo II desta convocatoria e tamén poderá atoparse no seguinte enderezo: <http://www.uvigo.es> no apartado Bolsas/Bolsas de mobilidade de doutoramento.

A solicitude e demais documentación requirida presentarse nos rexistros xeral e auxiliares da Universidade de Vigo ou en calquera outro dos lugares previstos no artigo 38.4 da Lei 30/1992, do 26 de novembro, do réxime xurídico das administracións públicas e do procedemento administrativo común.

Contra esta resolución, que esgota a vía administrativa, poderase interpoñer un recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998 do 13 de xullo, reguladora da xurisdición contencioso administrativo.

Así e todo, as persoas interesadas poderán optar por interpoñer un recurso de reposición, no prazo dun mes contado a partires do día seguinte á publicación desta resolución, perante o mesmo órgano que a ditou. Neste caso, non caberá interpoñer o recurso contencioso administrativo antes citado namentres non recaia a resolución expresa do recurso de reposición, de acordo co disposto na Lei 4/1999, do 13 de xaneiro que modifica a Lei 30/1992, do 26 de novembro, de réxime xurídico das administracións e do procedemento administrativo común.

Vigo, 9 de maio de 2016

O reitor

Por delegación R.R. do 7 de maio de 2014

(DOG 13/05/14)

A vice-reitora de Organización Académica e Profesorado



Ana M^a Graña Rodríguez

Dilixencia para facer constar que esta resolución publícase no taboleiro de anuncios dos rexistros da Universidade de Vigo con data 9 de maio de 2016

O xefe da Área de bolsas

Francisco Navaza Dafonte

BASES QUE REGULAN A CONVOCATORIA DAS BOLSAS DE MOBILIDADE PARA O ESTUDANTADO DE DOUTORAMENTO DA UNIVERSIDADE DE VIGO PARA O ANO 2016.

Esta normativa regula as bolsas de desprazamento para o alumnado de doutoramento da Universidade de Vigo para o ano 2016. Estas normas xunto coa convocatoria publicarase na Escola Internacional de Doutoramento (en adiante EIDO) e no rexistro xeral e auxiliares da Universidade de Vigo.

I. OBXECTO

Estas bolsas teñen por obxecto contribuír a paliar os gastos de desprazamento asociados aos estudos de doutoramento que ten o estudiantado da Universidade de Vigo matriculado nos programas de doutoramento adaptados ao espazo europeo de educación superior (en adiante EEES) e que estean regulados polo Real decreto 99/2011 do 28 de xaneiro ou polo Real decreto 1393/2007 do 29 de outubro que se citan no anexo I.

II. PERSOAS DESTINATARIAS

Poderán participar nesta convocatoria o alumnado dos programas de doutoramento da Universidade de Vigo citados no anexo I, sempre que cumpran os seguintes requisitos:

- Estar matriculado na Universidade de Vigo no período de tutela de tese no curso académico 2015/16 nalgún dos programas mencionados no anexo I. A matrícula deberá manterse durante o período total da duración da axuda.
- Realizar a actividade, que de acordo coa súa programación académica, implique o desprazamento a outras universidades participantes no programa de doutoramento, a outros centros de investigación ou a asistencia a congresos ou a cursos.
- Contar co informe favorable das persoas directoras da tese para a realización da actividade obxecto da bolsa.

Non poderán participar aquelas persoas que, en convocatorias anteriores, lle fose revogada esta bolsa e non reintegrara á Universidade de Vigo as cantidades percibidas indebidamente.

III. INCOMPATIBILIDADES

Cada persoa solicitante só poderá optar a unha das axudas ofertadas dentro do seu programa de doutoramento.

As bolsas serán incompatibles con calquera outra bolsa ou axuda concedidas por calquera institución pública ou privada para a mesma estadía ou asistencia. Nembargantes, cando a axuda concedida non sufrague a totalidade dos gastos de desprazamento, poderanse completar os custos da viaxe con cargo a proxectos de investigación, no caso de que as normas reguladoras destes permitan a súa compatibilidade, e sempre que o importe total das axudas non supere os custos reais.

IV. DURACIÓN

A actividade pola que se solicita a axuda, terá que ser desenvolvida e xustificada antes do 31 de decembro de 2016.

V. DOTACIÓN E PAGAMENTO

Os fondos destinados a esta acción irán a cargo da aplicación orzamentaria 2016 00PG 131H 482 e o importe do crédito orzamentaria retido para esta convocatoria ascende a 49.250,00 €.

A dotación económica bruta de cada bolsa estará suxeita a retención do IRPF que estableza a normativa vixente nesta materia.

Para dar cabida ás diferentes actividades formativas que poden existir nos programas de doutoramento que implican mobilidade, establécense os seguintes tipos de axudas coa súa contía:

Tipo A:	1.000 euros
Tipo B:	750 euros
Tipo C:	500 euros
Tipo D:	250 euros

Unha vez publicada a resolución de concesión das bolsas farase efectivo o pagamento do 50% do importe total concedido da axuda. O 50% restante farase efectivo unha vez que a persoa beneficiaria remita á EIDO, o anexo V, é dicir, a **xustificación dos gastos de mobilidade** realizados dentro do mes seguinte ao seu retorno e coa seguinte **documentación**:

- Certificado de asistencia ao curso/congreso ou certificado da estada.
- Declaración dos gastos ocasionados coa documentación xustificativa orixinal, segundo o formulario do anexo V.
- Se parte dos gastos do desprazamento foron imputados a un proxecto de investigación é necesaria a declaración das cantidades subvencionadas xunto con unha copia da documentación xustificativa.

O non cumprimento deste requisito comportará a rescisión automática da axuda, aos efectos do reintegro da subvención concedida.

A cantidade a ingresar, estará limitada pola cantidade xustificada, se esta é inferior ao importe concedido, tal como establece o artigo 19.3 da Lei 38/2003, do 17 de novembro, xeral de subvencións.

Os gastos de mobilidade incluídos nesta convocatoria e que serán obxecto da axuda serán os ocasionados por mor da realización da estada, asistencia ao congreso/curso ou da comunicación que se vaia a presentar, en concreto inclúense os seguintes:

- Gastos de inscrición no congreso, reunión, conferencia ou curso.
- Gastos de desprazamento (billetes de avión, autobús, taxi, tren, combustible, peaxe, etc.).
En relación aos gastos de combustible, abonarase o importe xustificado do combustible. (Non se abonará ningún tipo de dieta ou similar aplicado ao kilometraxe realizado).
- Gastos de aloxamento (hotel, residencia, pensión, etc.).
- Gastos de manutención.
- Outros gastos (material empregado para a presentación da comunicación, pósters e similares).

A acreditación dos gastos debe de vir acompañada das **facturas ou tickets orixinais**.

VI. SOLICITUDE E DOCUMENTACIÓN

O impreso de solicitude atoparano na páxina web: <http://www.uvigo.es> no apartado Bolsas/Bolsas de mobilidade de doutoramento e que figura como anexo II nesta convocatoria.

O prazo de presentación das solicitudes remata o **31 de maio de 2016**.

As persoas aspirantes deberán presentar o modelo de solicitude (anexo II) no rexistro xeral ou auxiliares da Universidade de Vigo ou en calquera dos lugares indicados no apartado 4 do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

As solicitudes dirixiranse ao director da EIDO da Universidade de Vigo e remitiranse á Área de Bolsas.

As persoas solicitantes, deberán indicar a referencia da bolsa solicitada de acordo co número identificativo que consta no anexo I e acompañar xunto coa solicitude a seguinte **documentación**:

- Fotocopia do DNI, NIE ou pasaporte en vigor.
- No seu caso, copia doutras solicitudes de bolsas para a mesma estadía ou asistencia que se tivesen presentado en institucións, entidades ou fundacións públicas e privadas.
- Currículo.
- Descrición da estadía para a que solicita a bolsa: desprazamento a realizar; lugar de destino; institución ou congreso/curso; duración do desprazamento; proposta da actividade a realizar no destino (no caso de cursos e congresos indicar o tipo de participación e achegar unha copia da comunicación que se vai a presentar, de ser o caso); e presuposto.

Esta proposta deberá contar co informe favorable da persoa directora da tese para a realización da actividade.

- Compromiso de matrícula no curso 2016/17, se a actividade a subvencionar se estendese máis alá do curso 2015/16.

Tamén se lle poderán requirir ás persoas solicitantes que achegen aqueles outros documentos que fosen necesarios para aclarar os datos necesarios para o outorgamento das axudas.

Os datos persoais recollidos na solicitude teñen carácter obrigatorio e serán tratados pola Universidade de Vigo para a organización da docencia e o estudo, así como para o exercicio das demais funcións propias do servizo público de educación superior, reguladas na Lei orgánica de universidades e nos Estatutos da Universidade de Vigo.

A persoa solicitante está de acordo en que os seus datos persoais sexan recollidos, tratados e, de ser o caso, cedidos para os seguintes fins: a xestión administrativa e académica do seu expediente; a oferta e a prestación de servizos universitarios; a realización de estatísticas, proxectos de investigación, avaliacións e enquisas; o seguimento dos servizos universitarios prestados; así como a realización de accións destinadas ao fomento do emprego e a prácticas en empresas.

O responsable do tratamento destes datos é a Universidade de Vigo. Os dereitos de acceso, rectificación, cancelación e oposición ao seu tratamento exercitaranse ante a Universidade de Vigo no seguinte enderezo: Edificio de Xerencia-Servizos Centrais, campus universitario, s/n 36310 Vigo (Pontevedra), de acordo co establecido na Lei orgánica 15/1999, do 13 de decembro, de protección de datos de carácter persoal.

VII. SELECCIÓN

A Área de Bolsas, unha vez recibidas as solicitudes, comprobará que cumpren os requisitos básicos da convocatoria e publicará a **listaxe provisional de persoas admitidas e excluídas**, indicando os motivos de exclusión e dándolles un prazo de 5 días hábiles, para emendar os erros e achegar a documentación necesaria, a partir do día seguinte á publicación da listaxe na páxina web <http://www.uvigo.es> no apartado Bolsas/ Bolsas de mobilidade de doutoramento e no taboleiro do rexistro xeral e auxiliares da Universidade de Vigo.

A documentación presentárase no rexistro xeral e auxiliares da Universidade de Vigo ou en calquera dos lugares indicados no apartado 4 do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, dirixidas ao director da EIDO e remitidas á Área de Bolsas.

Emendados os erros, a Área de Bolsas elaborará e publicará a **listaxe definitiva de persoas admitidas e excluídas**, indicando o motivo de exclusión de ser o caso. Ao mesmo tempo, a Área de Bolsas, achegará as solicitudes así coma a documentación, a través do correo electrónico ás diferentes Comisións Académicas de cada programa de doutoramento e á EIDO.

A Comisión Académica de cada programa de doutoramento procederá á valoración e a priorización das solicitudes presentadas segundo os criterios de valoración específicos que constan no anexo I. Estes **criterios de valoración** inclúen, como **mínimo**, os seguintes apartados:

- a. Os méritos curriculares das persoas solicitantes.
- b. O interese do desprazamento proposto para o programa formativo.
- c. A calidade do centro de destino ou importancia do congreso/curso.

As bolsas asignarase a aqueles candidatos e candidatas que obteñan as maiores puntuacións.

As Comisións Académicas remitirán á Área de Bolsas, os acordos nos que se valoran os candidatos e as solicitudes denegadas. Ademais indicará as causas de denegación coa puntuación obtida en cada caso.

A partir destas valoracións e en función do orzamento de cada programa, a EIDO establecerá a **resolución provisional de adxudicación** das bolsas e mailas listaxes de agarda, así como as solicitudes denegadas indicando os motivos da denegación.

Contra esta resolución provisional, poderán as persoas interesadas, presentar as alegacións oportunas no prazo de 5 días hábiles, contados a partir do día seguinte á publicación. Esta documentación presentarase nos rexistros xeral e auxiliares da Universidade de Vigo ou en calquera dos lugares indicados no apartado 4 do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, dirixidas ao director da EIDO da Universidade de Vigo e remitidas á Área de Bolsas.

Unha vez revisadas as alegacións, a Área de Bolsas, elaborará a **resolución definitiva**, que será refrendada pola EIDO.

Esta resolución, publicarase na páxina web da Universidade e no taboleiro do rexistro xeral e auxiliares da Universidade de Vigo. Esta resolución conterà as solicitudes concedidas, as denegadas coa causa de denegación e as listaxes de agarda ordenadas de maior a menor puntuación. Estas listaxes empregaranse para cubrir as posibles renuncias ás bolsas adxudicadas en cada programa ata 30/11/2016.

No caso de que quedara finalmente vacante algún tipo de bolsas nun programa de doutoramento, poderá incrementarse o número de bolsas doutro tipo entre as persoas solicitantes que estivesen na listaxe de agarda, dentro do mesmo programa, ata esgotar o seu crédito.

Unha vez esgotada a listaxe de agarda, se así e todo, quedara crédito dispoñible nalgún programa de doutoramento, poderán incrementarse todas as axudas concedidas dentro deste programa na mesma proporción ata esgotar o crédito do programa. Non obstante, este incremento non poderá ser maior do 50% nin producir unha axuda que supere o custo total previsto para o desprazamento da persoa beneficiaria.

Rematado o prazo de renuncias do 30/11/2016, o crédito total dispoñible nese momento será distribuído entre todas as persoas que aínda estiveran na listaxe de agarda sen acadar ningunha axuda ou que non acadaran a totalidade da axuda solicitada. O criterio de reparto será na mesma proporción da parte da axuda solicitada e non concedida, sen que poida concederse nesta fase, en ningún caso, unha cantidade total superior á axuda solicitada.

VIII. OBRIGAS

As persoas beneficiarias das bolsas están obrigadas a:

- A) Ter pagada na súa totalidade a taxa de matrícula que lle corresponda e manter a matrícula no programa de doutoramento da Universidade de Vigo durante todo o período de duración da actividade obxecto da bolsa.

- B) Destinar a axuda á finalidade para a que foi concedida, xustificando a asistencia ou estadía mediante o correspondente certificado, así como a declaración dos gastos ocasionados coa documentación xustificativa.
- C) Indicar no modelo de solicitude (anexo II) se teñen algunha axuda, subvención para mesma finalidade. No caso de que esta situación se produza con posterioridade á solicitude da bolsa, as persoas beneficiarias deberán comunicalo á Universidade de Vigo mediante un escrito dirixido á Área de Bolsas.

IX. RENUNCIA

A renuncia voluntaria á bolsa deberá facerse por escrito e comunicala ao director da EIDO.

A renuncia sen causa xustificada penalizarase e impediralle o acceso a outra bolsa do mesmo obxecto durante un período de 12 meses. Corresponderalle ao director da EIDO a avaliación das causas alegadas.

X. REVOGACIÓN DAS AXUDAS

A concesión destas bolsas pode ser revogada polos seguintes motivos:

- O incumprimento das obrigas especificadas nesta convocatoria (punto VIII).
- A ocultación de datos, a súa alteración ou calquera outra manipulación da información solicitada.
- Incorrer nalgunha das causas de incompatibilidade establecidas nesta convocatoria (punto III)

A revogación suporá o reintegro, por parte das persoas beneficiarias, das cantidades indebidamente aboadas.

XI. DISPOSICIÓN ADICIONAIS

As dúbidas que poidan xurdir na interpretación desta convocatoria serán resoltas pola Dirección da EIDO.

Calquera reclamación ou queixa farase ante o director da EIDO.

As persoas bolseiras non adquiren ningunha relación contractual, administrativa ou estatutaria coa Universidade de Vigo. A bolsa non implica ningún compromiso en canto á posterior incorporación persoas beneficiarias nos cadros de persoal da Universidade de Vigo.

En todo o non previsto nesta convocatoria, aplicaranse as normas estatais e autonómicas vixentes en materia de subvencións (Lei 38/2003, do 17 de novembro, xeral de subvencións, Lei 9/2007, do 13 de xuño, de subvencións de Galicia e demais disposicións aplicables).

ANEXO I

- Programa de doutoramento:
 - ANÁLISE ECONÓMICA E ESTRATEXIA EMPRESARIAL** (R.D. 99/2011)
 - ECONOMÍA E EMPRESA** (R.D. 99/2011)
 - ECONOMÍA** (R.D. 1393/2007)

Crédito asignado: 3.000 euros

Bolsas convocadas: 5

Nº Id.	Tipo	Perfil	Nº de bolsas
01	B	Asistencia a congresos internacionais	2
02	B	Asistencia/Matrícula cursos formativos	1
03	C	Asistencia/Matrícula cursos formativos/congresos	1
04	D	Asistencia/Matrícula cursos formativos/congresos	1

Criterios de valoración:

- Currículo: 30 puntos
- Interese do desprazamento para o programa formativo do alumnado: 40 puntos
- Calidade do centro de destino ou importancia do congreso/curso/actividade: 30 puntos

- Programa de doutoramento:
 - CIENCIA E TECNOLOXÍA AGROALIMENTARIA** (R.D. 99/2011)

Crédito asignado: 3.000 euros

Bolsas convocadas: 3

Nº Id.	Tipo	Perfil	Nº de bolsas
05	A	Estadía de investigación	3

Criterios de valoración:

- Méritos curriculares das persoas solicitantes: 70%
- Interese do desprazamento proposto para o programa formativo: 15%
 - Desprazamento de 3 meses ou máis co fin de obter o Doutoramento Internacional: 15 puntos
 - Desprazamento de menos de 3 meses: 5 puntos
- Calidade do centro de destino: 15%
 - Centro de destino en Europa (agás Portugal) ou noutros continentes: 15 puntos
 - Centro de destino en Portugal: 10 puntos
 - Centro de destino en España: 0 puntos

Asignarase unha bolsa por área de coñecemento

- Programa de doutoramento:
 - CIENCIA E TECNOLOXÍA DE COLOIDES E INTERFACES** (R.D. 99/2011 e R.D. 1393/2007)

Crédito asignado: 3.000 euros

Bolsas convocadas: 5

Nº Id.	Tipo	Perfil	Nº de bolsas
06	B	Asistencia a congreso	2
07	C	Asistencia a congreso	3

Criterios de valoración:

- Méritos curriculares das persoas solicitantes: 70%
- Interese do desprazamento proposto para o programa formativo: 20%
- Calidade do centro de destino ou importancia do congreso/curso: 10%

- Programa de doutoramento:

CIENCIA E TECNOLOXÍA QUÍMICA (R.D. 99/2011)

Crédito asignado: 2.500 euros

Bolsas convocadas: 7

Nº Id.	Tipo	Perfil	Nº de bolsas
08	A	Estadía de investigación	1
09	D	Asistencia a congresos	6

Criterios de valoración:

Para obter unha das seguintes bolsas a persoa solicitante debe obter unha valoración positiva (superior a 0) en cada un dos criterios de valoración que deseguido se especifican:

Bolsas tipo A

- Méritos curriculares das persoas solicitantes: 25 puntos
- Interese do desprazamento proposto para o programa formativo: 50 puntos
- Calidade do centro de destino ou importancia do congreso/curso, etc.: 25 puntos

Bolsas tipo D

- Méritos curriculares das persoas solicitantes: 50 puntos
- Interese do desprazamento proposto para o programa formativo: 25 puntos
- Calidade do centro de destino ou importancia do congreso/curso, etc.: 25 puntos

Terase en conta que o alumnado non gozase dunha bolsa de mobilidade das mesmas características (financiada polo programa) anteriormente.

Aquelas solicitudes tipo A que non inclúan unha descrición detallada da actividade que se vai desenvolver, desestimaranse.

- Programa de doutoramento:

CIENCIAS DA EDUCACIÓN E DO COMPORTAMENTO (R.D. 99/2011)

Crédito asignado: 3.000 euros

Bolsas convocadas: 9

Nº Id.	Tipo	Perfil	Nº de bolsas
10	A	Estadía	1
11	D	Congresos e seminarios de formación	8

Criterios de valoración:

Méritos curriculares das persoas solicitantes:

- Expediente da licenciatura ou grao de acceso: 35 puntos
- Publicacións e participacións en congresos: 30 puntos
- Outros méritos de investigación: 10 puntos
- Interese do desprazamento proposto para o programa formativo: 10 puntos
- Calidade do centro de destino ou importancia do congreso/curso: 15 puntos

- Programa de doutoramento:

COMUNICACIÓN (R.D. 99/2011)

Crédito asignado: 2.000 euros

Bolsas convocadas: 4

Nº Id.	Tipo	Perfil	Nº de bolsas
12	C	Estadía en centro de investigación ou asistencia a congreso no que se presente comunicación	4

Criterios de valoración:

- Méritos curriculares das persoas solicitantes: ata 40 puntos
 - Expediente académico grao/licenciatura: ata 16 puntos
 - Expediente académico do mestrado: ata 8 puntos

- Experiencia profesional relacionada cos ámbitos propios do programa: ata 8 puntos
- Autoría ou co-participación en traballos de investigación (publicacións, presentación de comunicacións, etc.) relacionados cos ámbitos propios do programa: ata 8 puntos
- 2) Interese do desprazamento proposto para o programa formativo: ata 10 puntos
- 3) Calidade do centro de destino ou importancia do congreso: ata 10 puntos
- 4) Non ter recibido ningunha bolsa deste tipo en convocatorias anteriores: 40 puntos

- Programa de doutoramento:

CREACIÓN E INVESTIGACIÓN EN ARTE CONTEMPORÁNEA (R.D. 99/2011 e R.D. 1393/2007)

Crédito asignado: 1.500 euros

Bolsas convocadas: 6

Nº Id.	Tipo	Perfil	Nº de bolsas
13	D	Asistencia a congresos, talleres de artistas, xornadas, encontros e/ou exposicións nas que se mostre o traballo en relación ca investigación.	6

Cráterios de valoración:

- Méritos curriculares das persoas solicitantes: 30%
- Interese do desprazamento proposto para o programa formativo avaliado po lo/a director/a: 30%
- Calidade do centro de destino ou importancia do congreso/curso: 30%
- Grao de desenvolvemento do plan de investigación: 10%

- Programa de doutoramento:

ECOSISTEMAS TERRESTRES, USOS SOSTIBLES E IMPLICACIÓNS AMBIENTAIS

(R.D. 99/2011 e R.D. 1393/2007)

Crédito asignado: 750 euros

Bolsas convocadas: 3

Nº Id.	Tipo	Perfil	Nº de bolsas
14	D	Asistencia a congreso ou curso formativo	3

Cráterios de valoración:

- Méritos contidos no currículo da persoa participante: 60%
- Interese do desprazamento para o programa formativo: 20%
- Importancia do congreso, seminario, curso ou workshop: 20%

- Programa de doutoramento:

ENDOCRINOLOXÍA (R.D. 99/2011)

Crédito asignado: 1.750 euros

Bolsas convocadas: 3

Nº Id.	Tipo	Perfil	Nº de bolsas
15	B	Asistencia a congresos	1
16	C	Asistencia a congresos ou cursos	2

Cráterios de valoración:

- Aceptación confirmada da comunicación/ponencia ao congreso ou curso: ata 30 puntos (Comunicación oral ou ponencia en curso internacional: 30 puntos; nacional:20 puntos; comunicación ou póster internacional: 15 puntos; nacional: 10 puntos; aceptación como asistente a curso:5 puntos)
- Méritos curriculares das persoas solicitantes segundo os criterios de produción científica da UVigo: ata 30 puntos
- Interese do desprazamento proposto para o programa formativo: ata 20 puntos
- Calidade do centro de destino ou importancia do congreso ou curso: ata 20 puntos (Congreso/curso internacional: 20 puntos; congreso/curso nacional:10 puntos)